



諸證提綱卷之九目錄

關格第八十四 附大小便不通

二陳木通湯

加味六君子湯

星枳二陳湯

既濟丸

二便不通三方

回生膏

交加散

蟻蟀散

蟻螂散

熨臍法

丹溪掩臍法

又二便不通

三方

秘結第八十五

脾約麻仁丸

小麻仁丸

大麻仁丸

七宣丸

厚朴湯

三和散

五仁丸

導滯通幽湯

參仁丸

六磨湯

半硫丸

潤腸丸

二黃丸

丁香脾積丸

黃耆人參湯

潤腸丸

活血潤腸丸

東垣潤燥湯

東流飲

潤腸湯

橘杏丸

麻仁粥

菴沉丸

枳殼丸

枳榔丸

牛黃散

皂角丸

搜風潤腸丸

麻黃白朮湯

火五柔丸

皂子丸

交加散

蠅螂散

倒換散

河間倒換散

治大便不通六方

握宣丸

蜜導法

又治大便不通三方

小便不通第八十六

清肺飲子

黃芩清肺飲

赤茯苓湯

宣風散

木通散

草蜜湯

海金散

白花散

導氣除燥湯

黃葵散

鷄蘇飲子

蒲黃湯

海金沙散

鬱金黃連丸

八珍散

琥珀散

鷄黃飲

紅菊散

括萎瞿麥丸

蒲灰散

白魚散

髮灰散

桃仁散

用藥例一條

又小便不通十八方

轉胞方一條

傷寒後溺阻一方

小便不禁第八十七

大兔絲子丸

二苓丸

秘元丹

桂附湯

桑螵蛸散

鷄脬脰散

桑螵蛸丸

家韭子丸

二氣丸

姜附赤石脂丹

既濟丸

白薇散

知栢散

桑螵蛸散

白芷丸

鹿茸丸

鷄腸散

茴香益智丸

小便不禁六方

小兒遺尿一方

夜溺頻數一方

年老夜起一方

遺溺一方

溺床一法

交腸第八十八

調氣散

黃連阿膠丸

治交腸病三方

前陰十證第八十九

正陽散

龍膽瀉肝湯

清囊湯 膏法煎

固真湯

溫腎湯

補杆湯

柴胡勝濕湯

椒粉散

吳茱萸煎

牡礪散

蒸洗法

硫磺散

治陰囊瘡二方

治陰汗三方

五淋第九十

滋腎丸

沉香散

車前草飲

導赤散

五淋散

牛膝膏

海金沙散

透膈散

鹿角霜丸

八正散

加味石膏湯

生附散

二朮散

瀉腎湯

三味葶藶散

參苓琥珀湯

清汗解鬱湯

清肝益榮湯

加減八味丸

白薇散

地髓湯

六一四苓散

石葦散

地虜子湯

車前子散

立効散

通秘散

二陳散

琥珀散

蝼蛄散

二苧飲

加減石葦散

又琥珀散

石燕丸

瞑眩膏

菝葜丸

腎瀝湯

巴戟丸

阿膠散

茄根飲

如神散

當歸一物湯

鹿茸散

神効琥珀散

清肺飲子

小蘗湯

治諸淋九方

年老人淋一方

夢遺第九十一

黃連清心飲

定志丸

坎離丸

萆薢分清飲

真蛤粉丸

茴香丸

清心丸

菝葜丸

猪苓丸

潔古珍珠粉丸

滋腎丸

樗根皮丸

小兒絲子丸

究源心腎丸

青娥丸

縮泉丸

金鎖正元丹

固精丸

金鎖思仙丹

金櫻丸

秘真丸

治濁固本丸

丹溪丸龍丹

水陸二仙丹

玉鎖丹

芡實丸

固真丹

入鳳體丹

定志珍珠粉丸

金鎖題丹

固真散

桑螵蛸散

五味子膏

百補交精丸

栢子養心丸

栢子仁丸

固氣丸

秘真丹

丹溪珍珠粉丸

巴戟丸

補真玉露丸

八仙丹

仲景桂枝牡礪湯

固本鎖精丹

白虎丸

單方五條

汗證第九十二 附無汗

著附湯

調衛湯

玉屏風散

二甘湯

撫芎湯

正氣湯

當歸六黃湯

四製白朮散

芷砂散

白朮散

參附湯

麥煎散

黃耆湯

參耆湯

栢子仁丸

麥熱湯

白茯苓湯

石斛散

生地黃煎

朮苓湯

椒目散

白朮散

盜汗歌

治盜汗二方

參歸湯

柴胡桂姜湯

安胃湯

撲粉法

清脾散

牡礪散

治脚汗三方

附無汗

二朮疏血湯

蘇葉丸

諸證提綱卷之九目錄終

諸證提綱卷之九

秀水陳文治輯

關中秦應禎校

關格第八十四

附大小便不通

關格者胸中覺有所碍欲升不升欲降不降欲食不食此氣之橫格也人之六脉關前為陽關後為陰十二經絡五臟為陰六腑為陽臟腑和平則陰陽各安其位寸脉常浮尺脉常沉何病之有惟其邪在五臟則陰脉不和陰脉不和則血留之血留之則陰脉盛矣陰氣大盛則陽氣不得相榮陰遂上出而溢於魚際為外關內格陰脉乘陽陽外

閉而不下陰內出以格拒之也其爲病外熱而液汗不通
內寒而胸滿吐食謂之曰格邪在六腑則陽脉不和陽脉
不和則氣留之氣留之則陽脉盛矣陽氣大盛則陰氣不
得相榮陽遂下陷而覆於尺澤爲內關外格陽脉乘陰陰
內閉而不上陽從外入以格拒之也其爲病內熱而大小
便閉外寒而手足厥冷謂之曰關若陰陽獨盛病猶未至
於死陰陽俱盛則旣關且格吐而食不下二陰閉而便不
通乃寒在胸中熱在丹田也極難治之病丹溪云關格必
用吐以提其氣之橫格不必出痰若有痰宜二陳湯探吐
吐中便有降意如中虛氣不運者補氣藥中加升降之劑

雲岐子云胸中有寒以熱藥治之丹田有熱以寒藥治之
胸中寒熱兼有以主客之法治之治主當緩治客當急頭
無汗者可治頭有汗者死竊詳雲岐子之法殆格而不關
關而不格者若旣關且格其用藥於寒者則不宜於熱宜
於熱者則不宜於寒考諸往哲亦未見有瞑眩良方宋孫
太醫令兆治趙令儀女吐逆大小便不通煩亂四肢漸冷
無脉凡一日半用大承氣湯一劑至夜半漸得大便脉亦
漸和翌日乃安各集俱紀其効而丹溪輩則未言及母亦
以其偏於寒歟至於無吐逆而二便不利者或關而不格
吐逆而二便自利者得非格而不關乎吐家亦不宜失此

言諸提綱 卷之九 關格
意必宜以脉別之然考內經曰陰陽不相應病名曰關格
王註曰陽脉而反應之不足陰脉而反應之有餘是寸不
及而尺太過矣又曰人迎與氣口俱盛四倍以上為關格
二說已自不同仲景云寸口脉浮而大浮為虛大為實在
尺為關在寸為格脉經云下微本大者則為關格不通不
得尿下微者沉之而微也本大者關後脉大也二說又與
內經不同矣難經以寸脉溢於魚除為格尺脉覆於尺澤
為關孫太醫令診趙令儀女則至於無脉臨證者當以意
而測之母拘於成說也

二陳木通湯 治關格飲食不下二便不通

陳皮

木通

滑石 各一錢

人參 蘆 一錢五分

半夏

白茯苓 各八分

甘草 四分

右姜棗水煎服再煎探吐

加味六君子湯 治氣虛脾胃弱而得關格之證

人參

白朮

半夏

陳皮 各一錢

白茯苓

升麻

枳實

瓜萎仁 各八分

甘草 四分

右姜棗水煎

星枳二陳湯 治關格上焦痰壅兩手脉盛

陳皮

半夏

各二錢

白茯苓

一錢五分

南星

枳殼

枳實

甘草

各一錢

右水煎服訖以鵝翎探吐虛弱者不可用

既濟丸 治關格吐利不得脉沉手足微冷

人參

附子

各一錢

麝

少許

右為末飯丸梧子大麝香為衣每服七丸燈心煎湯下

一方治關格吐逆小便不通以藿香平胃散合五苓散姜

棗水煎服効

一方治關格二便不通燒皂角細研粥飲下三錢立愈

一方治關格脹滿二便不通以獨蒜燒熟去皮紙裹納穀

道即通

四生膏 治陰證大小便不通及諸雜病屬於陰候大小

便不通危急甚者方用此法如神

牡礪

乾姜

陳粉

各一錢

右為細末男用女唾調手內擦熱緊挽二丸上女用男

唾調亦在手內擦熱緊挽二乳上俱得汗出愈蓋單丸

與乳男女之根蒂坎離之分屬也

交加散 治臟腑實熱或小便不通或大便不通或大小

便俱不通

大便不通

大黃

滑石

皂角 各三錢

右為末如二便不通大黃滑石各加三錢小便不通加滑石大便不通加大黃各三錢空心溫水調下

蟻蝼散 治大小便經久不通欲死者

蟻 牛糞中者佳 蝼 各七個

右二物用新瓦上焙乾為末以向東南虎目樹皮煎濃湯調服其効如神虎目樹即虎杖其性大能利小便解暑毒一說男子病用蟻螂頭蝼蛄身女人反此甚効因併記之

蟻螂散 治大小便不通

六七月間尋牛糞中大蟻螂線穿陰乾收貯用時取翅足俱全一個置淨磚上四面以炭火炙乾從腰切斷大便閉用上半截小便閉用下半截二便俱閉全用各為末新汲水調服

熨臍法 治二便俱閉

歌曰二便俱閉甚難醫急炒鹽來塞滿臍蒜片覆鹽堆艾熨這般良法少人知 一說如歌法但在蒜上灸

丹溪掩臍法 治大小便不通

用連根葱二莖添上生姜一塊淡豆豉二十一粒鹽二匙同研爛作餅烘熱掩臍以帛繫定良久氣透自通不

通再換一餅

一方治二便不通以明礬末一匙安臍中冷水滴之冷透腹內自通如無臍孔以紙撚作圈圍於臍外亦如其法一方治大小便不通脹滿欲死以葵子二升水四升入猪脂鷄子大一塊煮一升去粗頓服

一方治大小便不通以巴豆肉杏仁皂角為末作餅置臍上艾灸自通

新增

加味泌清二陳湯 治關格飲食不進二便不通

猪苓

茯苓

澤瀉 各八分

白朮 一錢

柴胡 七分

青升麻 七分

陳皮 八分

半夏 八分

枳實 五分

南星 一錢

瓜蒌仁 八分

木通 一錢

滑石 另研細末一錢

大黃 七分

甘草 三分

右

秘結第八十五

金匱真言

論云

北方黑色入通於腎開竅於二陰藏精於腎

又云腎主大便大便難取足少陰東垣曰腎主五液津液潤則大便如常若饑飽勞役損傷胃氣及食辛熱味厚之物而助火邪伏於血中耗散真陰津液虧少故大便結燥然燥結之病不一有熱燥有風燥有氣燥有陽結有陰結又有年老氣虛津液不足而結者治法云腎惡燥急食辛以潤之熱燥脾脉沉數臟中有熱也亦有吐瀉後腸胃虛服熱藥過多所致俱宜承氣湯以下之氣燥尺脉伏也宜溫補風燥右尺脉浮也由肺受風邪傳入大腸所致宜麻

仁九陽結者散之陰結者熱之如至陰燥欲坐井中腎脉按之必虛或沉細而遲若陰證煩燥腎脉必實陽藥中少加苦寒以去熱燥黃栢知母附子是也所謂少陰不得大便以苦瀉之也若大便秘小便數調之脾約脾約者脾血耗燥肺金受火而無所攝故脾之津液枯竭法宜養血潤燥仲景曰脉浮而數能食不大便者此爲實名曰陽結期十七日當劇脉沉而遲不能食身體重大便反硬名曰陰結期十四日當劇又考仲景曰脉藹藹如車蓋者名曰陽結也脉纍纍如循長竿者名曰陰結也蓋言浮大有力弦而有力也若能飲食而小便赤赤謂之曰實實者物秘也

宜麻仁七宣丸主之不能飲食而小便清爲虛虛者氣秘也宜厚朴湯主之丹溪曰秘結有虛有風有濕有火有津液不足者有寒者有氣結者切不可用芒硝大黃及巴豆牽牛等利藥然人之一身運用無非氣與血也氣凝則結血虧則燥結則滯而不通燥則澁而不行燥結之證所以成也古方多用降品劑蓋肺氣不降則大便不能傳送故用杏仁枳殼沉香訶子之類老人虛人風人津液少而秘者宜以藥而滑之故用胡麻麻仁阿膠之類若以峻藥利之則暫開復結誤汗則津竭頻危故東垣用辛潤苦瀉之法分腎虛脾實之治也蓋虛則閉於氣非補弗開實則閉

於物非下弗通閉於氣者口必不渴宜用三和散加枳殼
蘿蔔子皂角子二便自通也然患此者多在病後及失血
與夫年老之人乃氣血兩虛所致故海藏云治大便秘當
以血氣分之年老虛人大便秘者脈浮在氣杏仁陳皮
主之脈沉在血桃仁陳皮主之所以俱用陳皮者以手陽
明與手太陰爲表裏也至於無病之人亦有數日不大便
者閩中曾見一理問三十三日不大便亦無急脹之苦服
獨參湯一晝夜至二斤許方下黑糞半桶此氣虛之極也
故凡津液少而或誤發汗誤利小便及產後失血血液枯
竭者俱宜用五仁丸腎氣丸大補陰丸或導滯通幽湯加

枳榔條芩陳皮氣虛者參仁丸補中益氣湯七情氣閉後
重窘迫者三和散六磨湯臍寒則氣澁血枯或痲痺冷氣
結滯者半硫丸姜附湯五積散雖此病宜服陽藥亦當暫
與潤劑微通閉結脾胃有伏火者潤腸丸傷於熱物食者
二黃丸傷於寒物食者丁香脾積丸若注夏而大便瀯滯
者乃血少血中伏火也宜黃耆人參湯加生地黃當歸身
桃仁泥麻仁泥以潤之凡治血燥者必用桃仁氣燥者必
用杏仁風燥者必用皂角仁如用大黃而不快利則非血
結秘矣乃熱則生風名爲濕風證宜服黃耆人參湯或用
羌活防風各五錢水煎服之大便秘必大走也但閉結數日

大腸頭必乾澁雖內服潤腸之藥猶假蜜導膽汁之潤不可偏廢也

脾約麻仁丸 治腸胃熱燥大便秘結

厚朴 姜製

白芍藥

枳實 麸炒各八分

杏仁 去皮尖炒

麻仁 另研各五錢

大黃 蒸焙一兩六錢

右為末蜜丸梧子大每服二十九臨臥溫水下通利止即

小麻仁丸 治血燥大便秘

麻仁

當歸

桃仁

生地黄

枳殼 各一兩

右為末蜜丸梧子大每服五十九空心白湯下

大麻仁丸 治婦人腸胃風結大便常秘

大麻子

去殼研膏

大黃 炒

檳榔

木香

枳殼 各一錢

右為末與麻仁研勻蜜丸梧子大每服三十九食前白湯下凡製麻仁以生絹袋盛貯百沸湯連袋浸一晝夜次日曝乾磨之粒俱完

七宣丸 治能飲食而小便赤大便秘此為實邪用以通

大黃 一兩五錢 麩裹煨

桃仁 去皮尖 炒六錢

柴胡

枳實 麸炒

訶子皮

木香 各五錢

炙甘草 四錢

秘實

秘虛

右為末蜜丸梧子大每服二十九漸加至四五十丸米飲送下以利為度

厚朴湯 治胃虛而秘不能飲食小便清利

厚朴製

炙甘草 各一錢

白朮 一錢五分

陳皮

半夏麴

枳實 炒各五分

右姜棗水煎

秘氣

三和散 治七情氣秘脾胃不和心腹痞滿大便秘結

羌活

藁本

宣木瓜

大腹皮

沉香 各一錢

檳榔

木香

陳皮

白朮

川芎

炙甘草 各七錢五分

右水煎服一方有枳殼黃連無大腹皮沉香

五仁丸 治津液本少而反誤汗誤利小便及產後失血

以致血液枯竭大便不通

陳皮

四兩另為末

桃仁 去皮尖

杏仁 去皮尖炒 各一兩

郁李仁 二錢炒

松子仁 一錢五分

栝子仁 五錢

右五仁研為膏入陳皮末研勻加蜜丸梧子大每服五

十九空心米飲下凡大便艱難者俱宜服

導滯通幽湯 治大便難幽門不通吸門不開噎塞不便

燥閉氣不得下治在幽門

炙甘草

紅花

生地黄

熟地黄

各五分

升麻

桃仁泥

當歸身

各一錢

右水煎去粗調栝榔細末五分食前稍熱服

參仁丸 治氣壅風盛便秘後重疼痛煩悶

麻仁

大黃 各三兩

人參 七錢五分

當歸 一兩

右為末蜜丸梧子大每服三十丸熱水下

六磨湯 治氣滯腹急大便秘澁

沉香

木香

栝榔

烏藥

枳殼

大黃 等分

右熱水磨服以利為度

又半硫丸 治年高冷秘

半夏

硫黃 等分

右為末麻仁汁或姜汁打糊丸梧子大每服七十丸温

酒或米湯下

潤腸丸 治脾胃中伏火大便秘澁或乾燥不通全不思

食及風結血閉結治之

桃仁 湯泡去皮略炒

麻仁 去殼各一兩 當歸稍

大黃 酒濕煨

羌活 各五錢

右除桃仁麻仁另研如泥外其餘杵為細末蜜丸梧子
大每服三五十丸空心白湯下一方有秦艽皂角仁
加減法

因大便不通而致小便亦澁者急加酒洗大黃以利之
血燥者加桃仁酒洗大黃風結燥者加麻仁大黃
風澁者加煨皂角仁大黃秦艽以利之

脉澁覺身痒氣滯者加郁李仁大黃以除氣燥

二黃丸 治傷熱食兀兀欲吐煩悶不安

黃芩 二兩

黃連 一兩

升麻

柴胡 各三錢

甘草 二錢

枳實 五錢

右為末蒸餅糊丸綠豆大每服七十九白湯或姜湯下

丁香脾積丸 治傷於寒物食而致大便不通及治諸般

食積氣滯胸膈脹滿

良姜

丁香

木香

巴豆 各五錢

莪朮

三稜 各二兩

青皮 一兩

皂莢 三片燒灰

百草霜 三匙

右為末糊丸麻子大每服十九至二十九五更白湯下
利去三五行以粥補住

脾積氣陳皮煎湯下 吐酸姜湯下

嘔吐藿香甘草湯下 小腸氣炒茴香酒下

婦人血刺痛醋湯下 小兒疳氣史君子湯下

黃耆人參湯 治注夏而血中伏火致大便澁滯及濕風

證大便不利

黃耆 一錢自汗者倍

升麻 六分

人參

陳皮

麥門冬

蒼朮 無汗倍之

白朮 各五分

黃栢 酒洗

神麴 炒各三分

當歸身 酒洗

甘草 炙各二分

五味子 九粒

右水煎忌酒濕麪

腎氣丸

方見耳證條

大補陰丸

方見虛損條

補中益氣湯

方見脾胃條

姜附湯

方見腹痛條

五積散

方見中寒條

潤腸丸

治久病腹中有實熱大便不通宜用微利之不

宜用峻厲之劑

麻仁

一兩五錢

枳實

麩炒黃

厚朴

製

白芍藥

各三兩

大黃

四兩酒蒸

杏仁

去皮尖炒另研一兩二錢

右為末蜜丸梧子大每服三十九食前溫水下

活血潤腸丸

治大便風秘時常燥結

當歸稍

五錢

防風稍

三錢

大黃

酒浸

羌活

各一兩

皂角仁

燒存性一兩五錢

桃仁

二兩去皮尖另研

麻仁

二兩五錢去殼另研

右除桃仁麻仁另研外其餘共為細末蜜丸梧子大磁

方雜

者登是岡

卷之九

必結

五

確收貯不可見風每服五十九白湯下二三服後須以麻子煮粥早晚服之庶不再結

東垣潤燥湯

升麻

生地黄 各二錢

熟地黄

當歸稍

大黃 酒濕煨

生甘草稍

桃仁泥

麻仁 各一錢

紅花 五分

右除桃仁麻仁另研細各藥哎咀水煎去粗空心稍服熱

東流飲 治大便熱結閉塞

細茶葉

生芝麻 各一撮

生桃仁 七枚

大黃

一錢或二三錢

甘草 五分

右用長流水將各藥搗碎服之立効

潤腸湯 治大便結燥不通

生地黄

生甘草 各三分

大黃 煨

熟地黄

當歸稍 各五分

升麻

桃仁

麻子仁 各一錢

紅花 三分

右水煎空心服

橘杏丸 治老人氣秘大腸不潤

橘紅

杏仁 湯浸去皮尖各等分

右為末蜜丸梧子大每服七十丸空心米飲下此治脉浮晝便難者如脉沉夜便難用桃仁橘紅

麻仁粥 老人服之能順氣滑大腸

紫蘇子 麻子仁

右二味不拘多少研爛水濾取汁煮粥食之

菴沉丸 治發汗過多耗散津液六腑秘結

肉菴蓉 酒浸焙二兩 沉香 另研一兩

右為末麻子仁汁糊丸梧子大每服七十九空心米下飲

枳殼丸 治腸胃風氣壅盛大便秘實

枳殼 去穰炒 大黃 羌活

木香 不見火 橘紅 桑白皮 蜜炙

白芷 各二兩 皂角 一挺去黑皮炒

右為末蜜丸梧子大每服七十九空心米飲姜湯任下

枳榔丸 治大腸濕熱怫鬱不通心腹脹滿大便秘結

黃芩 大黃 蒸 枳榔 羌活

白芷 枳殼 麩炒 羌活

牽牛 炒 麻仁 炒去殼另研 杏仁 去皮炒各一兩

人參 五錢

右為末蜜丸梧子大每服四十九空心熱水下

牛黃散 治上焦熱臟腑秘結

白牽牛 頭末二兩 大黃 一兩

右為細末有厥冷酒調三錢無厥冷而手足煩蜜調下

皂角丸 治大腸有風大便秘結年高人宜此

皂角 炙去子

枳殼 去穰麩炒等分

右為細末蜜丸梧子大每服七十九空心米飲下

搜風潤腸丸 治三焦不和胸膈痞悶氣不升降飲食遲

化腸胃燥澁大便秘結

沉香

檳榔

木香

青皮

蘿蔔子 炒

槐角 炒

橘紅

枳殼 去穰炒

三稜 煨

枳實 去穰麩炒

木通 各五錢

郁李仁 去皮一兩

右為末蜜丸梧子大每服六十九木瓜湯下一方有大

黃無木通米飲下

麻黃白木湯 治宿有風熱伏於榮血之中水火乘於陽

道而實盛以致元氣短少上喘陰火傷其氣故四肢痿

軟大便五六日一次小便黃赤渾身發腫腹面尤甚色

黃麻木身重沉困頭旋眼黑時流冷淚小腹急痛當臍

有動氣堅硬

麻黃 不去根節

白豆蔻

炒神麩 各五分

吳茱萸

澤瀉

白茯苓 各四分

桂枝

厚朴

柴胡

白朮

蒼朮

青皮 去穰

黃連 酒浸

黃栢 酒浸

黃耆

人參

猪苓 各三分

升麻 二分

生甘草

炙甘草 各一分

杏仁 四粒

橘紅 二分

右分二服先煎麻黃去沫再入各藥同煎服止用二劑皆愈

大五柔丸 治臟氣不調大便難或為秘結堅硬

大黃 蒸焙末

枳殼 去穰麩炒

白芍藥 末

葶藶 炒為末

牛脂 熬油

肉蓯蓉

桃仁 百枚去皮尖另研 杏仁 四十粒去皮尖

右為末蜜丸梧子大每服三十九丸米飲下日三服以利為度

皂子丸 治風秘

皂莢子三百粒每個破作兩半慢火炒燥入酥一棗大又炒燥再入酥炒至焦黑為末蜜丸梧子大每服三十丸以蒺藜炒去刺三錢七分酸棗仁炒香一錢三分水煎去粗送藥未利再服漸加至百丸

交加散 治臟腑實熱或小便不通或大便不通或大小便俱不通

大黃

滑石

皂角 各三錢

右爲末如二便俱不通大黃滑石各加三錢小便不通加滑石大便不通加大黃各三錢空心溫水調下

螻螂散 治大小便不通

六七月間取牛糞中大螻螂穿陰乾收貯用時取翅足俱全一枚放淨磚上四面以炭火炙乾從腰切斷大便閉用上半截小便閉用下半截二便俱閉全用各爲末

新汲水調服

倒換散 治大小便不通

大黃 大便不通一兩 小便不通三錢

杏仁 大便不通三錢 小便不通一兩

右水煎服

河間倒換散 治癰閉不分新久大小便不通小腹急痛

肛門腫痛

大黃 小便不通減半 荊芥穗 大便不通減半 各等分

右各研末每服照前配合二錢溫水調下

一方治大便不通取烏柏木皮方一寸劈破水煎服之立通不用多服最爲神聖兼能取水或以此湯調五苓散空心服之可治二便俱閉

一方治大便不通用麻子一合水一盞研取汁飲之即通

一方治大便不通用蘿蔔子一合搗碎冷水調皂角灰末

二三錢服之立通

諸證提綱 卷之九 秘結 十九
一方治大便不通用萱草根一捻同生姜搗取自然汁服之立通

一方治大便不通用牽牛半生半炒搗末每服二錢姜湯調下未通再服以熱茶調下

一方治大便不通用羊蹄根一兩水煎空心服之立通
握宣丸 治大便不通

巴豆

乾姜

韭子

良姜

硫黃

甘遂

白栝榔

右等分爲細末飯丸龍眼大早間先用椒湯洗手麻子

塗手掌握藥一丸移時便瀉欲止以冷水洗手

一方治大便不通已至於困用大田螺二枚以鹽一撮連殼生搗碎置患人臍下一寸三分以帛繫縛之立通

蜜導法

凡秘結不通患人衰老或在病後體虛不勝峻厲以蜜熬滴水成珠或合皂角末或合食鹽或合草烏頭末乘熱搓作條子候冷導入穀道卽通蓋皂角能通閉鹽能軟堅草烏能化寒消結各隨其用可也亦有以老葱去皮帶涎蘸草烏頭細末及姜汁熬皂角末作條納穀道者皆可以通冷秘也

猪膽汁導法

用大猪膽一枚傾出汁和醋少許調勻仍入膽內以鵝翎管縛膽口透入穀道以膽汁擠盡俄頃可通用醋亦可一方治大便不通氣脹欲絕用烏梅十個置湯中須臾取起去核杵為丸如棗大納穀道中少頃即通一方治大便不通用皮硝一撮水化香油一盞和勻加皂角末少許俱入猪胞內以細竹管扎聯胞口套管入穀道而以胞中之物擠盡即通傳者稱為神方一方治大便不通以香油貯猪胞中而以細竹管扎於胞口擠油入穀道即通

新增

加味通幽潤燥湯 治大便五七日一次小便赤黃面身

腫脹四肢麻木身重如山沉困無力

茯苓

猪苓

澤瀉 各八分

白朮

熟地黄

生地黄

白芍藥

川芎

當歸 各七分

菽仁泥 一錢

麻仁 一錢

杏仁 七個

枳殼 四分

黃芩

山梔子 各七分

大黃 一錢

郁李 七分

右

小便不通第八十六

內經曰膀胱不利爲癃脉訣舉要曰鼻頭色黃小便必難
夫小便者主於足太陽膀胱經而生水者肺金也肺有伏
熱黃色乃應於鼻所以不能生水此則熱在上焦氣分塞
水之源故渴而小便不通治法以清金爲主藥用白茯苓
澤瀉琥珀燈心通草車前子瞿麥扁蓄之類皆滲淡能瀉
肺火而清肺金以清水之上源者也若熱在下焦血分屬
腎與膀胱絕水之流故不渴而小便不通治法宜氣味俱
陰之藥如知母黃柏及滋腎丸之類除其熱泄其閉以滋
水之下流者也玉璣微義載王善夫病小便不通腹大堅

硬如石腿脚堅脹裂出黃水雙睛突出病至於劇惟以黃
栢知母加桂爲引用作丸服二百丸少頃卽溺而腫消乃
無陰而陽氣不化先哲之治驗也然亦有脾肺之氣不能
通調水道下輸膀胱而致清氣不升濁氣不降爲癰閉者
故丹溪曰小便不通有氣虛有血虛有痰有氣閉有實熱
氣虛者用參耆升麻等藥先服後吐或服參耆藥探吐血
虛者用四物湯先服後吐芎歸湯亦可痰多二陳湯先服
後吐痰氣閉塞二氣湯加木通香附探吐以提其氣氣升
則水自降下矣實熱者當利之砂糖湯調牽牛末一二錢
或山梔之類也凡有熱有濕有氣結於下者惟宜清宜燥

宜升雖證變不一於此而擴充之病機自能得之矣

清肺飲子 治渴而小便閉塞不利邪熱在上焦氣分

燈心 一分

通草 一分

澤瀉

瞿麥

琥珀 各五分

扁蓄

木通 各七分

車前子 炒另研

白茯苓

猪苓 各一錢

右水煎服

黃芩清肺飲 治肺燥而小便不通

黃芩 一錢

梔子仁 三個打破

右長流水煎服未利加鹽豉二十粒

赤茯苓湯 治膀胱實熱小便不通口苦乾咽腫不利

赤茯苓

猪苓

葵子

枳實

瞿麥

木通

黃芩

車前子

滑石

甘草

各等分

右等分水煎食前服

宣風散 治小便不通臍腹急痛

甘草

木通

各八分

梔子

葵子

各一錢

滑石

二錢

右為末燈心湯調下

木通散 治小便不通小腹脹痛不可忍

木通

滑石

各一錢

黑牽牛

頭末五分

右加燈心葱白水煎

草蜜湯 治心腎有熱小便不通

生車前草搗自然汁半盞入蜜一匙調下

海金茶 治小便不通臍下滿悶

海金沙

二錢

細茶

一錢

右為末生姜甘草湯調下

白花散 治膀胱有熱小便不通

朴硝二錢研為末空心茴香湯調下

導氣除燥湯 治小便閉塞不通乃血澁致氣不運而竅澁也

白茯苓 各一錢 滑石 各一錢 知母 酒浸炒

澤瀉 各一錢五分 黃柏 一錢 酒炒

右水煎服

黃葵散 治小便不通

黃葵花子 研細 赤茯苓 各二錢

右水煎二三沸服

鷄蘇飲子 治小便不通

鷄蘇 二兩 生地黃 通草 各四兩

滑石 杏仁 去皮尖 冬葵子 一兩五錢

石葦 炙去毛 一兩

右細切水六升煎至二升五合去粗分三服空心進一服約人行四五里又進一服必通

蒲黃湯 治心腎有熱小便不通

赤茯苓 木通 車前子

桑白皮 荆芥 燈心

赤芍藥 甘草 微炒 蒲黃

滑石 各等分

右為末每服三錢葱白紫蘇煎湯調服

海金沙散 治小便淋瀝及下焦濕熱氣不施化或五種淋疾癰閉不通

海金沙

木通

瞿麥穗

滑石

通草 各一錢

杏仁 去皮麩炒 二錢

右加燈心二十莖水煎服

鬱金黃連丸 治心火炎上腎水不升以致水火不得相

濟膀胱小腸積熱盛癰閉不通或遺溺不禁或白濁如

泔或膏淋如膿或如梔子水或如砂石末粒或如粉糊

皆熱證也宜服

鬱金

黃連 各一兩

黃芩

琥珀 研

大黃 酒浸各二兩 黑丑 炒取頭末 二兩

滑石

白茯苓 各四兩

右為末米丸梧子大每服五十丸沸湯下如用消飲食

降心火加沉香五錢

八珍散 治小便不利或不通

大黃

木通

滑石

粉草

瞿麥

山梔

黃芩

荆芥 各等分

右為末每服一錢薄荷湯調下小兒減半

琥珀散 治年老人及虛弱人小便不通

琥珀一錢為末人參湯調下若蜜丸每服十九赤茯苓湯下

鷄黃飲 治小便不通

鷄子中黃生食不過三枚立通

紅菊散 治小便不通而喘

紅菊林根 三錢 扁蓄 一兩五錢

燈心 二十長一

右長流水煎服

括萎瞿麥丸 治有水氣而小便不利其人口渴

瓜萎根 二兩 白茯苓 乾山藥 各三兩

附子 一枚炮 瞿麥 一兩

右為末蜜丸梧子大每服三丸一日三服俱食前白湯

送下未効加至七八丸

蒲灰散 仲景方也治小便不利

蒲灰 一云蒲黃七分 滑石 三分

右為細末一日三服米飲調下

白魚散 治大便不通

滑石 白魚 即衣魚 髮灰 各二錢

右為末每服五分米飲調一日三服

髮灰散 治小便不通臍下急痛

髮灰 二錢

右研細末醋調服一方加葵子等分一方加滑石末一錢桃白皮煎湯日進二服大効

桃仁煎 治婦人積血小便不通臍腹脹痛名曰血瘕但此藥峻厲用宜斟酌

桃仁

大黃

朴硝 各一兩

蜜蟲 五錢炒黑

右爲末以醖醋二升五合銀石器內煎取一升五合與藥相和不住手攪良久出之丸梧子大欲用藥時先一日不用晚飯五更初温酒吞下五丸日午下如赤豆汁或如鷄肝等類必見鮮血方是病去未下再服愈後宜

服大補氣血藥

滋腎丸 方見五淋條

一治二便不通倒換散河間倒換散交加散蠅螂散俱神効各方已載秘結條然此證最急故凡得効之方已列於前倘一時醫藥不便則單方皆能辦者故復載之於後隨地隨時擇用

一方治小便不通以蚯蚓數條同水搗爛沉去泥祖服之立通

一方治小便不通以地膚草搗汁服之神効

一方治小便不通以炒鹽熱熨小腹冷則再易

一 方治小便不通以食鹽炒熟放溫填臍中以艾在鹽上灸七艾即通

一 方治小便不通以扁竹一握水煎熟服立効

一 方治小便不通以蒿苣菜搗如泥填臍中菜上艾灸七壯

一 方治小便不通烏柏樹皮煎湯調五苓散二錢空心服

下即通

一 方治小便不通取舊筆頭一枝燒灰和水服

一 方治小便不通以甜酸草搗汁入砂糖或蜜同服

一 方治小便不通以竹鷄草車前草各一兩同搗爛入蜜

少許取汁空心服竹鷄草葉如竹葉花開翠色即石竹

一 方治小便不通取野地蒺藜焙黃色爲末溫酒調服一

一 方治小便不通皮硝煎水青布蘸搭臍上及小便上立通

一 方治小便不通藥之不効或莖中阻澁取猪尿胞一個

以鷄翎管半截入胞口用線扎住吹氣入胞十分脹滿

又以線一條在管下扎住而以胞外之管半截入莖中

方去管外之線手搓其胞氣入溺孔塞者自通此治目

前之急也須服藥以治其本

法治轉胞小便不通脹悶欲死以甘遂爲末水調傳臍下

空心服甘草節湯行至臍下二藥相反其胞自轉此急

救之法也

一方便治小便不通小腹滿悶用秦茺一兩去苗水煎食前分作兩服

一方治小便不通以田螺生去殼搗細封臍即通

一方治小便不通以杏仁二十一粒研水分二服服之即

通蓋杏仁能解肺鬱故肺氣降而小便行也一說以杏

仁去皮尖炒用米飲服

一方治小便不通取梁上塵二指一捻水調服之

一方治小便不通以猪膽汁入熱酒中服亦治大便秘

一方治傷寒後小便不通用生姜十塊杵碎麻布六尺末

十碗煎數沸盛於桶內候水可通手以布蘸熨小腹良

久又用紅豆末一匙姜茶末二匙俱研細井水調服其

洩如湧神効

新增

加味二陳湯 治濕痰閉塞上焦而小便所以不通

陳皮

茯苓

半夏

猪苓

澤瀉

白朮 一錢

黃芩

山梔子 各七分

木通 八分

滑石

另研一錢

扁蓄

瞿麥

車前子

各一錢

甘草 三分

右生姜引再加燈心一撮水煎服

小便不禁第八十七

小便不禁者洩自出而不覺也遺溺者睡中遺而不知也均爲腎氣虛而濁氣下陷虛熱干於厥陰之絡陰挺痿痺而神無所用故小便頻數或至遺溺蓋腎主大小便肝主小便淋洩也內經曰膀胱不利爲癃不約爲遺溺言足三焦脉虛不約下焦則遺溺也靈樞經曰足三焦者太陽之別也並太陽之証入絡膀胱約下焦實則癃閉虛則遺溺又曰腎主二陰然腎衰虛而怫熱客其部分二陰鬱結則痿痺而神無所用故洩便遺失而不能禁止丹溪曰小便不禁者屬熱屬虛王節齋曰小便不禁或頻數乃膀胱火

邪妄動水不得寧故不能禁而頻數治法當補膀胱陰血
瀉火邪爲主而佐以收澁之劑牡蠣山茱萸五味子之類
不可誤用溫藥蓋病本屬熱故宜瀉火因水不足所以火
動而小便多小便既多水益虛矣惟補血瀉火治其本也
收之澁之治其標也劉守真曰遺溺者乃熱甚而挺孔鬱
結神無所用故不能收禁也是諸賢之論俱以熱言獨東
垣曰立夏前誤用白虎湯過多致遺溺者宜溫藥升陽以
解之也是知小便不禁雖屬於熱爲涼藥所誤者又不可
拘泥於熱惟臨證之體察耳其熱之一字亦當分別虛實
虛者四苓散合四物湯加山梔升麻實者乃膀胱火動四
苓散合三黃湯加五味子山茱萸少許虛乃腎與膀胱氣
虛宜十全大補湯加益智仁或縮泉丸大兔絲子丸二苓
丸遇夜陰盛愈多內虛自汗者秘元丹內虛濕熱者腎氣
丸八味丸減澤瀉附子加五味子杜仲破故紙倍山茱萸
內虛寒冷者桂附湯大兔絲子丸加肉桂或止於頻數者
乃傷於心脾也勞心者妙香散桑螵蛸散勞役傷脾者補
中益氣湯大抵此證乃陰陽不調水火不濟必當以補中
益氣湯治本而後以秘元丹治標若遽用收澁之藥雖暫
効而必再作也婦人產後傷胞小兒胞冷俱以鷄脰散
主之

大兔絲子丸 治內虛裏寒自汗不止小便不禁

兔絲子 肉苁蓉 各二兩 黑附子

牡蠣 五味子 鹿茸

鷄胫脛 桑螵蛸 各一兩

右為末酒糊丸梧子大每服七十九粒湯下

二苓丸 治心腎俱虛神志不定小便淋瀝不禁

赤茯苓 白茯苓 人參

丹參 各等分

右為末二苓俱水漂去筋膜製生地黃汁同酒熬膏為

丸彈子大空心嚼一丸鹽湯下

秘元丹 治冷氣攻心腹痛泄瀉自汗遺尿陽衰足冷真

氣不足一切內虛裏寒等證此藥善助陽消陰正氣

白龍骨 三兩 訶子 十枚 砂仁

辰砂 各一兩

右為末糯米粥丸綠豆大空心酒下二丸臨臥冷水下

三丸忌葱茶韭

桂附湯 治自汗漏不止

桂枝 附子 炮各等分

右姜棗水煎服

桑螵蛸散 治勞傷心腎小便頻數如泔大能安神定志

桑螵蛸

遠志

龍骨

石菖蒲

人參

茯神

鱉甲

當歸 各等分

右為末每服二錢臨臥人參湯調服一方用茯苓龜甲

鷄脰散 治遺尿失禁

男用雌鷄女用雄鷄脰一具并腸淨燒灰為末每

二錢空心溫酒調服或加猪脬燒灰

四苓散

方見中暑條

三黃湯

即三黃丸作湯服

十全大補湯

方見三消條

縮泉丸

方見夢遺條

妙香散

方見五癩條

腎氣丸

方見耳證條

八味丸

方見惡寒條

補中益氣湯

方見脾胃條

桑螵蛸丸

治遺尿失禁

桑螵蛸

酒炙

阿膠珠

牡礪

鹿茸

各等分

右為末糯米糊丸梧子大每服五十丸空心鹽酒下

家韭子丸

治大人小兒下元虛寒小便不禁或成白濁

家韭子

炒六兩

鹿茸

醋炙四兩

肉苁蓉

酒浸

牛膝

酒浸

熟地黃

當歸

各二兩

杜仲

去皮姜炒

石斛

乾姜

炮

桂心

各一兩

兔絲子

酒浸

巴戟

去心各一兩五錢

方雜

右爲末酒糊丸梧子大每服一百丸空心鹽湯溫酒下任

二氣丸 治內虛裏寒膀胱積冷陽氣漸微小便不禁

硫黃 研 肉桂 各二錢五分 乾姜 炮

朱砂 爲衣各二錢 附子 炮五錢

右爲末酒糊丸梧子大每服五十九鹽湯下

姜附赤石脂丹 治小便數而不禁怔忡健忘魘夢不已

生附子 生乾姜 各五錢 朱砂

赤石脂 一兩五錢 水飛

右爲細末酒糊丸綠豆大每服十五丸至三十九丸大

便有病米飲下小便不禁茯苓湯下

既濟丸 治小便不禁

兔絲子 酒浸 益智仁 炒

韭子 炒 肉蓯蓉 酒洗 當歸

熟地黄 各五錢 黃柏 知母 各鹽酒炒

牡礪 煨 石棗 酒蒸去核各三錢 五味子 一錢

右爲末糊丸梧子大每服百丸鹽湯下

白薇散 治溺出不知亦治胎前遺溺

白薇 白芍藥 等分

右爲末食前酒調下一匙一日三服

知栢散 治遺溺脉洪大

黃栢

知母

壯牛膝 各一錢

青皮

炙甘草 各七分

木香 四分

桂 些少

右水煎數沸大効

桑螵蛸散 治產後小便數遺溺

桑螵蛸 三十個炒 鹿茸 酥炙

黃耆 各五錢

牡蠣 煨

人參

赤石脂

厚朴 各二錢

右為細末每服三錢米飲調下

白芷丸 治老人虛人夜多小便

白芷 一兩

糯米 五錢炒黑

右為末糯米糊丸梧子大每服五十九 木饅頭煎湯下

鹿茸丸 治久虛冷小便白濁滑數不禁

鹿茸

椒紅

桂

附子

牡蠣

石斛

補骨脂

肉蓯蓉

鷄脬脛

沉香

桑螵蛸 各一兩

右為末酒糊丸梧子大每服三十九食前酒下

鷄腸散 治腎與膀胱虛損不能約制故遺尿失禁

肉桂

龍骨 各七分

鷄腸 燒存性

牡礪粉

白茯苓

桑螵蛸

各一錢五分

右姜棗水煎空心服

茴香益智丸 治老人陽虛失禁及房勞傷腎遺溺

小茴香

鹽炒

益智仁

炒

破故紙

炒

烏藥

川烏

炮各一兩

右為末山藥糊丸梧子大每服八十九粒鹽湯下

一方治小便腎虛不禁鹿角霜一味酒糊丸每服五十九

空心酒下神効

一方治小便多或不禁以鷄喉及脛脛內黃皮燒灰為末

大麥飲調服之神効

一方治小兒睡中遺尿以燕窩中草燒黑為末水調二匙

服効

一方治小便不禁有熱者去桂五苓散加黃連黃柏梔子

石棗五味子水煎服

一方治虛弱小便不禁五苓散合四物湯加遼五味子

煎水

一方治遺溺失禁以破故紙為末每服二三錢空心熱水

調服

一方治夜溺頻數以益智仁二十個連皮切赤茯苓二錢

水煎臥服

一方治遺溺失禁以桑螵蛸酒炒為末每服二錢姜湯調

服効

一方治年老夜起多者八味丸去澤瀉加益智仁

一方治遺溺以枯白礬煨牡礪等分研細每用二匙酒調

一日服三次男女同治

一溺床秘法以白紙一張作四摺置於蓆褥之下遺後取紙晒乾燒灰酒送下

新增

加味縮泉散 治脬氣不足小便不禁

天台烏藥

五分

益智仁

炒三分

山藥

一錢

石蓮肉

八分

桑螵蛸

炙黃五分

牡礪

火煨八分

白龍骨

火煨七分
次六分

茯神

七分

遠志

去心五分

人參

五分

當歸

五分

右水煎服作丸亦可

交腸第八十八

交腸者大小便變易其出也或因驚氣亂或嗜酒無休皆足以致此或又曰氣不循故道所以清濁混淆宜五苓散調氣散各一錢阿膠末五分白湯下或入黃連木香此病間有之醫者不可不知也

調氣散

白豆蔻

丁香

檀香

木香

各一兩

藿香

甘草

各四兩

桃仁

二兩

右為末隨證用

黃連阿膠丸 治二便交錯

阿膠

白茯苓 各二兩

黃連 三兩

右為末阿膠丸梧子大每服二十九米飲下

丹溪治一人嗜酒痛飲不醉患交腸脉沉瀯與四物湯加

海金沙木香檳榔木通桃仁八貼而愈

丹溪治一婦人交腸病用破漆帽燒灰米飲下而愈

一產婦交腸病乃氣血俱虛故失行常道也先用六君子

湯後用五苓散而愈夫交腸一證也所治不同如此善

醫者可不推此而通變乎

新增

加味泌清二陳湯 治男子婦人絞腸沙一服見効

白朮

茯苓

猪苓

澤瀉 各一錢

青皮 七分

枳殼 三分

青木香 一錢

檳榔 二錢

陳皮 一錢

半夏 一錢

甘草 三分

右生姜引水煎服

前陰十證第八十九

前陰所過之脉有四經云足厥陰脉循陰股入毛中過陰器是肝脉所過也又云督脉起於小腹以下骨中央女子入擊庭孔循陰器男子循莖下至幕與女子等是督脉所過也又云足太陰之筋上循陰股結於體聚於陰器是脾脉所過也又云足太陰之筋並足太陽之筋上循陰股結於陰器是腎脉所過也其病也一曰陰縮謂前陰受寒縮入小腹也宜附子理中湯正陽散之類治之二曰陰縱謂前陰受熱挺長不收也丹溪治一人玉莖挺長腫而痿皮塌常潤磨腿不能行兩脇氣上手足倦弱先以小柴胡加

黃連大劑行其濕熱略加黃柏降其逆上之氣而挺腫漸收減至於半惟有莖中堅塊未消遂以青皮爲君佐以散風之劑爲末而服又以絲瓜汁調五倍子末傳而愈又治一人陰挺長腫而痛脉數而實用朴硝荊芥煎湯浸洗服三一承氣湯大下之而愈一縱一弛寒熱使然而陰縮尤甚內經曰陰縮而死者皆屬肝傷又云肝悲哀動中則傷魂魄傷則狂妄不精不精則不正常陰縮而攣筋兩脇骨不舉毛悴色夭死於秋故傷寒傳至厥陰經則舌卷囊縮也三曰陰痿謂陽事不舉也耗散過度傷於肝經所致仲景用八味丸夏減桂附一半春秋減三之一經云太陰司

天濕氣下臨腎氣上從陰痿氣衰而不舉也四曰陰汗謂前陰常濕也飲酒之人多有之酒之氣味能生濕熱是風濕熱合於下焦爲邪法宜引而竭之用龍膽瀉肝湯柴胡入肝爲引用澤瀉車前子木通滲淡利小便亦除臊臭生地黃草龍膽苦寒瀉濕熱兼車前子以徹肝中邪氣肝生血用當歸以滋肝中血不足也五曰陰冷謂前陰寒也有陰冷漸入於囊腫滿痛悶不得眠以帛爲囊盛生椒裹辜丸椒厚寸許須臾熱氣大通日再易之仍煮大薊汁服而卽愈六曰陰臭謂前陰臊臭也東垣曰前陰者足厥陰之脉絡陰器出其挺末臭者心之所走散入於五方爲臭入

肝為臊臭宜清震湯龍膽瀉肝湯治之七日陰腫謂前陰腫大或堅而痛也乃濕熱積注而然或房事過多所致亦宜龍膽瀉肝湯八日陰痛謂陰頭痛也交接勞復所致九日陰痒謂陰莖痒甚也好色過度所致十日陰吹未詳其為何證仲景云陰吹為胃氣下泄此穀氣之實也以膏髮煎導之

正陽散 治陰縮囊縮

附子

炮去皮臍

皂角

酥炙去皮弦

乾姜

炒

甘草

炙各二錢五分

麝

一錢研極細

右為末每服二錢水煎減半連袒服

龍膽瀉肝湯 治陰部時復濕痒有臊臭

柴胡稍

澤瀉 各一錢

車前子

木通

各五分

當歸稍

龍膽草

生地黄

各二分

右水煎去粗稍熱空心服

清震湯 治溺黃臊臭淋瀝兩丸如水陰汗浸兩股陰頭

亦冷冬天宜服

黃栢

羌活

各一錢

升麻

蒼朮

黃芩

澤瀉

各五分

防風

藁本

猪苓

麻黃根 各三分

柴胡

炙甘草

歸身 各二分

紅花 一分

右水煎臨臥服忌酒濕麪

八味丸 方見惡寒條

附子理中湯 方見中寒條

膏髮煎

猪膏 半斤

亂髮 如鷄子大三枚

右以髮入膏中煎至髮盡分二服病從小便中出

固真湯 治兩丸冷前陰痿弱陰汗如水小便有餘滴臊

氣尻腎并前陰俱冷惡寒喜熱二膝亦冷

升麻

柴胡

羌活 各一錢

甘草 炙

澤瀉 各一錢五分 龍膽草 炒

知母 炒

右水煎空腹稍熱服

溫腎湯 治面色痿黃身黃脚軟弱陰汗陰莖有火色

澤瀉 一錢

防風根

蒼朮 各八分

白朮

猪苓

黃柏 酒炒

升麻

白茯苓 各五錢

麻黃

柴胡根 各八分

右水煎食前稍熱服遲一時許方可用飯

補肝湯 治前陰水冷并冷汗兩脚痿弱

黃耆 七分

炙甘草

蒼朮 各五分

升麻

猪苓 各四分

葛根 三分

知母

柴胡

羌活

陳皮

歸身

黃栢 炒

防風

白茯苓

澤瀉

連翹 各二錢

右水煎食前稍熱服

柴胡勝濕湯

治畢冷兩體樞陰汗前陰痿弱陰囊濕痒

臊氣

柴胡

生甘草 各三錢

黃栢 酒炒二錢

澤瀉

羌活

升麻 各一錢五分

龍膽草

當歸稍

麻黃

漢防已

白茯苓 各一錢

紅花 少許

五味子 二十粒

右水煎食前稍熱服忌酒濕麪房事

椒粉散 治前陰兩丸濕痒秋冬尤甚

麻黃 一錢

黑狗脊

蛇床子 各五分

猪苓

當歸稍

小椒 各三分

肉桂 二分

然蚤 二個

輕粉

紅花 各少許

右爲末摻上避風寒濕冷處坐臥

吳茱萸煎 治腎囊濕痒

吳茱萸

蛇床子

各五錢

寒水石

樟腦

硫黃

白礬

栝榔 各三錢

輕粉 一錢

一方有白芷 三錢

右先用吳茱萸煎湯洗過以各藥爲末乾摻

牡礪散 治陰囊濕痒抓之則濕流珠用此極効

醋煨牡礪

枯礬

硫黃

苦參

蛇床子

各二錢

雄黃 一錢

右爲細末先將蒼朮椒鹽煎水洗過而後摻上

蒸洗法 治陰囊濕痒

煨鹽 五錢

皮硝 三錢

蒼朮 二錢

花椒

蛇床子

白礬 各一錢

陳茶 一撮

蒼耳草 五分

右六味水煎去粗而後入鹽硝先燻後洗三四次絕痒

硫磺散 治陰囊上及兩腿在內濕紙包煨

硫黃

栝榔 等分

右爲細末每用少許清油調抹兩堂擦熱抱囊一項次

擦兩腿上

一方治陰囊痒用黃栝枯礬輕粉各一錢片腦一分爲末

諸說提綱 卷之九 前陰 四十六
一方治陰囊濕瘡用蜜陀僧乾姜滑石等分爲末擦患處
一方治陰汗煨蒜去皮研爛豆豉末搜和作丸硃砂爲衣
每服三十九燈心湯下

一方治陰汗蛤粉牡礪粉絹袋盛撲

一方治陰汗綿黃耆清酒炒脆爲末猪心煮熟食効出道
藏經

五淋第九十

淋者小便澁痛欲去不去不去又來淋澁不斷之謂也內
經曰飲食入胃游溢精氣上輸於脾氣散精上歸於肺道
下輸膀胱此蓋臟腑相安脾土健旺肺金清肅清陽上升
濁氣下降人身之常也反此則淋病作矣其因起於膏粱
過味鬱遏成疾致傷脾土而使肺金失養或用心太過色
欲不節兩致心腎不交水火無制皆能使然丹溪曰淋有
五皆屬於熱解熱利小便山梔之類也仲景曰淋家不可
發汗汗之必便血丹溪又曰余每用黃柏滋腎丸每百丸
用四湯加甘草杜仲牛膝木通桃仁滑石木香煎湯空心

吞服如鼓應桴累試累効謹按五淋之狀及分治之法一
曰氣淋其證小便澁滯常有餘瀝不盡宜沉香散或益元
散加茴香木香檳榔二曰血淋其證小便澁痛遇熱則發
宜白薇赤芍藥等分爲末酒調服二錢或犀角地黃湯單
車前飲四物湯加知栢選用若胞鮮者心與小腸虛熱也
導赤散去甘草加黃芩尿如豆汁者腎與膀胱火也五淋
散若見血而溺管不痛非淋也治法見溺血條三曰石淋
其證陰莖中有砂石而痛溺不得出砂出而後痛止宜單
牛膝膏單鱉甲爲末酒調服四曰膏淋其證溺濁如膏宜
黑豆一百二十粒甘草一寸水煎豆熟去粗調滑石末一

錢空心服或海金沙散五曰勞淋其證痛引氣衝過勞卽
發痛墜反尻宜透隔散勞傷者四物湯加知栢滑石琥珀
痛甚者鹿角霜丸但痛之甚者則屬熱盛宜八正散或五
苓散合敗毒散加味石膏湯急痛者六一散二錢加木香
檳榔小茴香各一錢爲末服間亦有屬冷者必先寒慄而
後溲便澁數竅中腫痛宜生附散二木散此五淋之分治
寒熱之異藥也東垣分在氣在血以渴與不渴辨之則邪
之在上焦下焦又了然矣渴而小便不利熱在上焦氣分
肺金主之宜用滲淡之藥茯苓澤瀉琥珀燈心通草車前
子瞿麥扁蓄之類以清肺金之氣瀉其火滋水之上源也

不渴而小便不利熱在下焦血分腎與膀胱主之宜用氣
味俱陰之藥知母黃栢滋腎丸之類除其熱泄其閉塞以
滋膀胱腎水之下元也其大槩治例則以鬱金琥珀開鬱
青皮木香行氣蒲黃牛膝破血黃栢生地黃滋陰小腹痛
用青皮疎肝黃栢滋腎小腹脹滿者瀉腎湯火瀉丹凡小
腸有氣則小便脹小腸有血則小便澁小腸有熱則小便
痛但當行滯清熱疏利小便不可用補氣藥蓋氣得補則
愈脹血得補則愈澁熱得補則愈盛也土燥水濁者四君
子湯加滑石澤瀉麥門冬淡竹葉痛者六君子湯加知母
石葦琥珀肝經氣滯有熱者用甘草稍五錢青皮黃栢澤

瀉各一錢水煎服或三味葶藶散莖痛引脇者參苓琥珀
湯腰痛引腰背者磁石湯虛者清肝解鬱湯清肝益榮湯
腎虛淋瀝莖中澁痛者加減八味丸以補陰小便頻而黃
者四物湯加參朮麥門冬五味子以補脾胃熱結膀胱者
五淋散以清熱脾肺氣燥者苓梔二味以清肺若膀胱陰
虛陽無以生者滋腎丸膀胱陽虛陰無以化者腎氣丸若
童男精未盛而御女老人陰已痿而思色則精不出而內
敗莖中痛澁爲淋者八味丸料加車前子牛膝煎服若精
竭而復耗大小便牽痛愈痛則愈欲便愈便則愈痛倍加
附子以救之凡此俱當滋化源不可誤用知栢淡滲等劑

既瀉真陽復損真陰也中氣虛弱者宜升提滋補精痰壅蔽者宜探吐提氣皆先哲之妙用也因忍尿疾走忍尿飽食者亦二陳湯探吐因忍尿入房者宜補中益氣湯提之陰虛兩尺脉絕服諸滑利藥不効者腎氣元陽虛者八味丸或附子澤瀉等分燈心煎服大凡淋之初作主於實熱便當以八正散之屬利之利而不愈久則氣陷宜用升提升之又不愈必用吐法吐則氣自升也痰多者用二陳湯先服後吐痰氣閉塞者二陳湯加木通香附探吐此治淋之良法也若腎虛極而淋當以補腎爲先不可便利小便老人氣虛淋閉當於參朮劑中用木通梔子又不可不知

通變也女人胎前患淋以安胎爲主產後患淋以去血爲主故瞿麥蒲黃爲產後要藥至於胞痺之證卽寒淋也小便痛引臍腹鼻有清涕若沃以湯澀於小便由風濕寒邪客於胞中則氣不能化出故飽滿而水道不通蓋因足太陽經之脉直行者上交額上入絡腦氣上冒於鼻竅故爲清涕宜着腎湯熱者瀉腎湯腸痺乃飧泄而小便閉澀津液偏滲後陰也分別之而已此五淋之節目醫者不可不知

滋腎丸 治不渴而小便閉澀病在下焦血分者

黃柏

知母

各酒洗焙乾 各一兩

肉桂

五分

右爲細末熱水爲丸梧子大晒極乾每服一百丸空心

白湯下服後頓足行數十步使藥易於下行如小便已利莖中痛如錐刺者當有惡物下為驗

沉香散 治氣淋疼痛者多因五內鬱結氣下舒行陰滯於陽而面致壅滯小腹脹滿便溺不通

沉香

石葦

滑石

王不留行

當歸 各二分五厘

葵子

白芍藥

各四分

芹草

陳皮

木香

青皮

各一分二厘

右為末煎大麥湯調下一方有瞿麥白朮無陳皮木香

車前草飲

治小腸有熱血淋急痛

鮮車前草

右洗淨搗爛少入井水調攪取汁食前飲一盞若砂淋加寒水石末一錢調服

導赤散 治心虛蘊熱小便赤或成淋痛

生地黄

甘草

木通

各一錢

右加竹葉十片水煎

五淋散 治肺氣不足膀胱有熱水道不通淋瀝不出或尿如豆汁或如砂石或冷淋如膏或熱淋溺血

赤芍藥

山梔子

各二錢

赤茯苓

一錢二分

當歸

一錢

條黃芩

六分

甘草

五分

右水煎一方加生地黃澤瀉木通滑石車前子等分局
方無當歸黃芩有山茵陳淡竹葉木通滑石

牛膝膏 治死血作淋及腎虛腰膝疼痛女人一切血病
一云此藥能損胃不食宜斟酌用之

牛膝一合用水五盞煎至一盞入麝香少許空心服
或以酒煮亦可

海金沙散 治膏淋

海金沙

滑石 各一兩

甘草稍 三錢五分

右爲細末每服二錢燈心湯調服

透膈散

硝石一味爲末每服二錢如熱淋溺赤淋瀝臍下急痛
冷水或黃芩煎湯下血淋山梔仁煎湯氣淋小腹脹滿
溺後常有餘瀝木通煎湯下石淋莖中刺痛尿內有砂
石令人悶絕將硝用鈔紙隔炒紙焦再研細葵子三十
粒搗碎煎湯下勞淋勞倦虛損則發葵花煎湯下

鹿角霜丸 治膏淋多因憂思失志濁氣干清小便淋閉
溺如膏脂勞役至甚或傷寒多有此證

鹿角霜

秋石

白茯苓 等分

右爲末糊丸梧子大每服五十丸空心米湯下
八正散 治心經蘊熱臟腑閉結小便赤澀癃閉不通及

熱淋血淋若酒後縱慾而得小便將出而痛既出而痒以此藥主之

車前子

瞿麥

扁蓄

滑石

山梔仁

大黃

木通

甘草梢 各等分

右加燈草水煎若小便淋漓頻數無度加牛膝

加味石膏湯

治膀胱實熱脬轉不得小便煩滿難於仰

石膏

山梔

人參

白茯苓

知母 各七分

生地黄

淡竹葉

各二錢五分

右水先煎石膏後入合再煎二沸服欲利加芒硝三錢生附散 治淋而脉沉微小便秘澁數起不通竅中痛

附子

滑石 各五分

瞿麥

木通

半夏 各一錢五分

右爲末入燈心二十莖姜水煎入蜜半匙服

二朮散 治冷淋氣滯餘瀝澁痛身涼

木通

木香

當歸

白芍藥

青皮

八角茴香

枳榔

澤瀉

陳皮

甘草 各五分

肉桂 少許

右水煎

瀉腎湯 治腎經實熱小腹脹滿腰背急強便黃舌燥四肢青黑耳聾夢泄等證急宜服此以救之

大黃 四錢

磁石 二錢七分

玄參

細辛 各一錢三分

芒硝

白茯苓

黃芩 各一錢

生地黄汁

石菖蒲 各一錢七分

甘草 七分

右除大黃地黄汁芒硝三味餘藥水煎至九分去粗入大黃再煎減一分去大黃下地黄汁微煎一二沸下芒硝食前服

三味葶藶散

治小便急痛不利莖中疼痛

通草

白茯苓 各二兩

葶藶 二兩

右為末每服二匙水調日三服

參苓琥珀湯

治小便淋澀莖中痛引脇下不可忍

人參

白茯苓 各五分

川練子 去核七分

生甘草稍 七分

玄胡索 七分

琥珀

柴胡

當歸尾

澤瀉 各三分

右加燈心水煎食前數服大効

清肝解鬱湯

治肝經氣滯因成淋疾痛引腰脇

當歸

白朮 各一錢五分 人參

言言抄錄

柴胡

牡丹皮

陳皮

川芎

白茯苓

貝母

去心

白芍藥

熟地黃

山梔

各一錢

甘草

五分

右水煎

清肝益榮湯

治肝經氣滯小便成淋痛引腰脇及肝膽

小腸經風熱血燥并一切肝火血證

白朮

二錢

熟地黃

一錢五分

當歸

山梔

木瓜

白茯苓

各一錢

龍膽草

八分

川芎

白芍藥

柴胡

各七分

甘草

五分

右水煎

加減八味丸

即六味地黃丸方見中風條加五味子肉桂各一兩

四君子湯

四物湯

六君子湯

方俱見中風條

益元散

五苓散

八味丸

方俱見中暑條寒條

腎氣丸

方見耳證條

着腎湯

方見腰痛條

敗毒散

方見溫病條

補中益氣湯

方見脾胃條

二陳湯

方見痰證條

犀角地黃湯

方見吐血條

白薇散

治熱淋血淋

方雜

者登是綱

卷之九

五林

五十五

白薇

赤芍藥

等分

右為末每服二錢溫酒調下立効或加枳槲

地體湯 治死血作淋痛不可忍神効但此藥亦能損胃

宜用補劑監制與前牛膝膏相同

壯牛膝

一名若杖根即鼓槌草

右以水五鍾煎至一鍾去粗入麝少許空心服一人患

石淋十三年痛楚至極百方不効得此方一夕而愈

六一四苓湯 治諸淋

六一散 一錢

四苓散 二錢

燈心 三十莖

山梔仁 一錢

右水煎

白葦散 治膀胱有熱淋瀝不止臍腹急痛勞役即發或

尿如豆汁或出砂石並皆治之

白芍藥

白朮

滑石

葵子

木通

瞿麥

石葦

去毛各二兩

當歸

甘草

王不留行 各一兩

右為末每服二錢空心麥門冬湯下

地膚子湯 治諸病後體虛熱結下焦遂成淋疾小便赤

澁數起少出莖痛如刺或尿出血

地膚子 一兩

猪苓

知母

黃芩

海藻

通草

瞿麥

枳實 麩炒

升麻

葵子 各五錢

右每服五錢姜水煎服一方有陳皮大黃

車前子散 治諸淋小便痛不可忍

車前子 生五錢

淡竹葉

赤茯苓

燈草

荊芥穗 能通竅各二錢

右水煎

立效散 治下焦結熱小便淋閉作痛有時溺血

甘草 炙三錢

瞿麥穗 一兩

山梔子 去殼炒 五錢

右咬咀每服五錢加葱白燈心姜水煎食後服

髮灰散 治血淋若小便出血而不痛謂之莖血此方並

治之方見溺血條

通秘散 治血淋痛不可忍

陳皮

香附

赤茯苓 等分

右水煎

二陳散 治諸淋急痛

海金砂 七錢五分 滑石 五錢

右為末每服二錢木通麥門冬車前草煎湯入蜜少許

調下

琥珀散 治五淋澀痛小便有膿或出血

琥珀 海金沙 沒藥

蒲黃 各等分

右為末每服三錢煎通草濃湯調下日二服

蜈蚣散 治諸淋

用蜈蚣七枚鹽二兩同在新瓦上焙乾研細溫酒調服一錢即愈

二苧飲 治諸淋

苧根二莖剉碎入一碗煎至半碗頓服即通

加減石葦散 治婦人小便卒淋瀝

石葦 黃芩 木通

榆白皮 葵子 瞿麥穗

甘草 等分

右姜水煎

琥珀散 治血淋神方

髮灰 一兩 琥珀 蒲黃 各五分

當歸 生地黃 大蘗

小蘗 各四錢 瞿麥 梔子 各二錢五分

甘草 八分

右將藥先為粗末取酸漿草搗汁二碗拌晒盡汁復為細末每服三錢白湯調下

石燕丸 治因憂鬱氣注下焦結熱而成石淋

石葦 去毛 瞿麥穗 滑石

石燕 燒紅水中淬二次搗研極細水飛焙

右等分為細末糊丸梧子大每服十丸食前瞿麥湯下一日三服

瞶眩膏 治諸淋疼痛不可忍受及治砂石淋

大蘿蔔切一指厚四五片用好白蜜二兩浸一時許置慢火上炙乾蘸再炙盡蜜為止不可焦硬細嚼鹽湯送

下立効

茯苓丸 治胞痺小便內痛

赤茯苓 防風 細辛

白朮 附子 炮 澤瀉

官桂 各五兩 天花粉 紫苑

牛膝 酒浸 黃耆 白芍藥

炙甘草 各二兩 生地黄 山茱萸

乾山藥 獨活 半夏 各一兩

右為末蜜丸梧子大每服十丸酒送下

腎瀝湯 治胞痺小腹急小便不利

桑白皮 北

犀角屑

杜仲 炙去絲

五加皮

麥門冬

木通

桔梗 各一錢

赤芍藥 五分

右入羊腎一枚竹瀝少許水煎服

巴戟丸 治胞痺臍腹痛小便不利

巴戟 去心一兩五錢 桑螵蛸 麩炒

遠志

生地黄

山芋

附子 炮

肉蓯蓉 酒浸

續斷 各一兩

杜仲 炙

石斛

鹿茸 酥炙

龍骨 火煨

兔絲子

五味子

山茱萸

官桂 各三錢

右為末蜜丸梧子大空心溫酒送三十丸

阿膠散 治血淋

阿膠 炒二兩

猪苓

澤瀉

赤茯苓

滑石 各一兩

車前子 五錢

右咬咀每服五錢水煎空心服

茄根飲 治小便溺血及帶血線

茄根

右一味以童便煎汁服之効

如神散 治心臟有熱乘於血分血滲小腸故尿血也

阿膠 蛤粉炒二兩 山梔仁 車前子

黃芩 甘草 各二錢

右為末每服一錢井花水調下日三服

當歸一物湯 治小便血極効

當歸 四兩

右以酒三升煮取一升空心頓服亦治小便澁

鹿角散 治小便溺血日夜不止

鹿茸 酒洗去毛 生地黄 酒洗 當歸 酒洗

冬葵子 炒各四兩 蒲黃 一合

右為極細末每服三錢温酒調服或蜜丸亦可

効琥珀散 治石淋水道澁痛頻下沙石

琥珀 桂心 滑石

大黃 微炒 葵子 膩粉

木通 木香 磨汁 磁石 煨酒淬七次細研水飛各五錢

右為細末每服二錢食前燈心煎湯調服

清肺飲子 治渴而小便閉澁不利邪在上焦氣分

燈心 一分 通草 二分 澤瀉

瞿麥 琥珀 各五分 扁蓄

木通 各七分 車前子 炒另研 白茯苓 各一錢

右水煎空心熱服

小薊湯 治下焦熱結血淋

小薊根

生地黄

通草

滑石

梔子仁

蒲黃炒

淡竹葉

當歸尾

生藕節

甘草稍

各五分

右水煎空心服

一治血淋陰莖腐爛以二陳湯探吐四物湯加升麻牛膝知母黃柏甘草滑石神効

一治氣虛淋用八物湯加杜仲牛膝黃芩煎服

一治小便淋澁以葵花根一味洗淨生煎五七沸服之立効

一治諸淋取三葉酸漿草嫩者洗淨搗取汁與酒均和空心服之立愈

一治諸淋取鷄肫內黃皮去渣滓陰乾五錢燒灰存性爲末作一服白湯調下立愈

一治年老人諸淋用核桃肉一升杵細和米粥空心頓服即愈

一治五淋取船底青苔如鷄子大一塊水煎溫服

一治冷淋諸藥不効者以四物湯加猪苓澤瀉木通連進

二服又以兔絲子研極細鷄翎管吹入溺孔內極効

一治小便下血多是濕熱以五淋散加蒼朮三分一劑可愈

一治石淋以石首魚腦骨磨水服或燒灰米飲調下

新增

加味泌清散 治下焦濕熱淋澀

牛膝

猪苓

白朮

茯苓

土蓮肉

扁蓄

石竹子

山梔子

黃芩

木通

滑石

澤瀉

青升麻

柴胡

海金沙

蒲黃

知母

黃栢

右水煎服

夢遺第九十一

夢遺者乃夢中交媾而至精洩之謂也語云晝之所思夜之所夢凡入之心既有所思則心火因之不寧相火從而應之故精元走而不固也宜黃連清心飲十味溫膽湯妙香散定志丸之類以治之亦有無思而自遺者乃君火失權相火代行其令而肝主疎泄腎主閉藏厥陰之火既熾少陰之水不足是以不能制伏而洩也宜坎離丸補陰丸腎氣丸若心無所思夜亦無夢精隨尿去或時自流出者謂之遺精亦謂之滑精比之夢遺更甚宜萆薢分清飲或八物湯或真蛤粉丸丹溪用蛤粉青黛香附黃栢知母之

類若下元虛憊而精不禁宜茴香丸年壯氣盛久不交接而致經絡壅滯者宜清心飲思色不得欲動情勝而致自遺者宜茯苓散思想無窮意淫於外及入房太過宗筋縱弛而成白淫者宜辰砂磁石龍骨之類以鎮墜之因而結成痰飲迷於心竅而遺者用猪苓丸導利其痰思想傷陰者紫古珍珠粉丸思想傷陽者用鹿茸菴蓉兔絲子之類陰陽俱虛便濁夢遺作心虛治用珍珠粉丸定志丸腎氣衰不能管束精氣而致妄行者亦用猪苓丸然夢遺之因不止一端往往有用熱燥之藥者猶抱薪救火也况龍骨最能涸津液過服之晚年必發燥熱殊不知經絡有熱方能致此丹溪曰夢遺主熱精滑主濕熱熱則流通故也有患此至夜而春心熱者用珍珠粉丸猪苓丸雖夢遺止終服紫雪而春熱始除亦有患此而脉洪腰熱者必用沉香和中丸下之復用導赤散治火乃愈大抵夢遺屬鬱滯者居多故有氣自小腹衝上而腰熱腰熱時則手足作冷且多下氣暮多噫氣且脉弦滑而大午脉洪大所以宜用沉香和中丸大下次又宜用加減八物湯吞滋腎丸若因飲酒厚味濕熱內鬱濁氣歸腎而致水不寧靜或遺或滑宜於滋陰藥中加人參升麻柴胡若勞傷氣血不能固守者宜養榮湯或加減八物湯煎吞樗根皮丸或小兔絲子丸

能致此丹溪曰夢遺主熱精滑主濕熱熱則流通故也有患此至夜而春心熱者用珍珠粉丸猪苓丸雖夢遺止終服紫雪而春熱始除亦有患此而脉洪腰熱者必用沉香和中丸下之復用導赤散治火乃愈大抵夢遺屬鬱滯者居多故有氣自小腹衝上而腰熱腰熱時則手足作冷且多下氣暮多噫氣且脉弦滑而大午脉洪大所以宜用沉香和中丸大下次又宜用加減八物湯吞滋腎丸若因飲酒厚味濕熱內鬱濁氣歸腎而致水不寧靜或遺或滑宜於滋陰藥中加人參升麻柴胡若勞傷氣血不能固守者宜養榮湯或加減八物湯煎吞樗根皮丸或小兔絲子丸

諸諸提綱 卷之九 夢遺
因色慾過度而致陽脫者宜究源心腎丸青娥丸黑錫丹
縮泉丸金鎖正元丹氣陷者神芎丸此證惟宜清心靜養
固本滋陰或用菖蒲遠志韭子桑螵蛸益智仁酸棗仁牡
礪龍骨鎖陽等劑為丸服之良愈間用劫劑不可恃以為
常也

黃連清心飲 治心有所慕

黃連

生地黄

當歸

甘草

茯神

酸棗仁

遠志

人參

石蓮肉

等分

右水煎服

定志丸 治痰迷心膈心氣不足驚悸怔忡恍惚健忘

遠志

菖蒲 各二兩

白茯苓 三兩

人參 一兩

右為末蜜丸梧子大朱砂為衣每服三十丸米湯下

坎離丸 治陰火遺精盜汗潮熱咳嗽

黃柏

知母 等分

右用童便丸浸丸蒸丸晒丸露為末地黄煎膏為丸梧

子大每服五十丸淡鹽湯送下脾弱者山藥糊丸

葶藶分清飲 真元不足下焦虛寒或服寒涼利藥過多

小便白濁頻數無度漩面如油光彩不定漩脚澄下凝

如膏糊

川葦蘼

益智仁

石菖蒲

烏藥等分

一方加茯苓甘草

右咬咀每服四錢加鹽一捻水煎食前溫服

真蛤粉丸 治遺精白濁

蛤粉

青黛

此二味主胃中濁氣下流降入膀胱

樗皮末

大燥濕熱

滑石

黃栢

乾姜

等分炒褐色味苦欬肺氣下降使陰血自生乾姜鹽製以走腎經

右為末炒神麴作糊丸梧子大每服五十丸食前白湯

茴香丸 治遺精夢泄關鎖不閉

舶上茴香

葫蘆巴

破故紙

白龍骨

各一兩

木香

一兩五錢

核桃肉

三十枚研如膏

羊腎

三對取開用鹽五錢擦炙熟研如膏

右五味為末入二膏和酒浸蒸餅杵勻為丸梧子大每服四五十九丸鹽湯下

清心丸

治經絡熱夢遺腰脊時有熱脉洪數心中恍惚

黃栢

四兩研細末

生腦子

四兩同研勻

右加煉蜜和丸梧子大每服十丸至五十丸濃煎麥門冬湯送下

茯苓丸

治心氣不足思慮太過腎經虛損其陽不固溺

有餘瀝小便白濁夢寐頻泄

兔絲子 酒浸五兩 石蓮子 去殼三兩 白茯苓 去皮二兩

右為細末酒糊丸梧子大每服五十九丸鹽湯下常服鎮益心神補虛養血清小便

猪苓丸 治夢遺因痰塞心竅

半夏 一兩 猪苓 二兩為末

右以半夏破如豆大先將猪苓末一半炒令半夏色黃不可使焦取起在地上出火毒半日將半夏為末糊丸梧子大候乾又用剩末一半同炒丸微裂與末併收砂確中養之空心温酒鹽湯隨使用以送藥三四十九日

晡再一服

紫古珍珠粉丸 治白淫夢遺泄精及滑出不收

黃栢 一斤新瓦上炒赤 真蛤粉 一斤

右為細末滴水丸梧子大每服一百丸空心温酒送下法曰陽盛乘陰故精泄也黃栢降火蛤粉鹹而補腎陰

滋腎丸

黃栢 一兩 知母 二兩 肉桂 一錢五分

右為末蜜丸梧子大每服七十九丸沸湯下

樗根皮丸 治房勞內傷氣虛精滑不時夢遺

樗根白皮

右一味炒爲末酒糊丸但性熱而燥不可單服或加青
黛海石黃栢煎八物湯下

小兒絲子丸 治腎氣虛損目眩耳鳴四肢倦怠夜夢遺精

兔絲子製 石蓮肉 白茯苓

乾山藥等分

右爲末內山藥分一半作糊丸梧桐子大每服五十九
空心溫酒鹽湯任下

究源心腎丸 治心腎虛而有熱驚悸怔忡遺精盜汗目
暗耳鳴腰痛足痿又能黑鬚髮久服令人有子

牛膝 熟地黄 肉蓯蓉

鹿茸 附子 人參

遠志 茯神 黃耆

乾山藥 當歸 龍骨

五味子各一兩 兔絲子酒浸三兩

右爲末酒糊丸梧子大每服五十九空心棗湯下

青娥丸 治腎經虛冷腰膝重痛及因色慾過度而致陽

脫者常服壯筋補虛

杜仲炒斷系 破故紙炒各四兩 生姜炒乾二兩五錢

右爲末用核桃仁三十個研膏入蜜丸梧子大每服五
十九鹽酒下

縮泉丸 治脾胃氣不足小便頻數

烏藥

益智仁 等分

或加鷄脬脰

右為末酒煮山藥為丸梧子大每服七十九臨臥搥下湯

金鎖正元丹 治真氣不足呼吸短氣四肢倦怠脚膝酸

疼目暗耳鳴遺精盜汗一切虛損之證俱宜服

紫巴戟

肉蓯蓉 洗焙

葫蘆巴 炒各一兩六錢

補骨脂

酒浸一兩

五倍子

白茯苓 各八錢

朱砂 另研

龍骨 另研各二錢

右為末研勻酒糊丸梧子大每服二十九空心温酒搥

湯任下

養榮湯

即人參養榮湯

十味温膽湯

方俱見氣滯條

妙香散

方見五癩條

補陰丸

方見虛損條

腎氣丸

八物湯

方俱見耳證條

黑錫丹

方見痰證條

滋腎丸

導赤散

方俱見五淋條

紫雪

方見發斑條

神芎丸

方見口鼻條

固精丸

治心神不安腎虛精自泄

黃柏

知母 各一兩俱酒炒

牡礪 煨

芡實

蓮蕊

白茯苓

遠志

山茱萸肉 各三錢

右為末山藥糊丸梧子大朱砂為衣每服五十九搥下湯

金鎖思仙丹

治男子嗜欲太過精氣不固澁以去脫之

劑也

蓮花蕊

石蓮子

經秋沉水者去心取淨粉

芡實

取淨粉各三斤

右以霜後半黃金櫻子一斤木相中杵去刺不可損傷劈為兩片去子水淘淨搗爛入鍋水煎耗半濾去粗再煎成膏以三味研末和丸梧子大每服三十九空心鹽湯下平時忌葵菜蒜服藥後忌地黃車前子

金櫻丸

治遺滑夢泄小便後淋瀝

金櫻子

芡實

各一兩

白蓮花蕊

龍骨

各五錢

右為末糊丸梧子大每服八十九空心鹽湯或酒下

秘真丸

治思想無窮所愿不遂意淫於外或入房太甚

宗筋弛縱發為筋痿及為白淫或白物隨洩下或夢泄

白龍骨

煨另研

朱砂

另研各一兩

訶子皮

者五枚

縮砂仁

去殼五錢

右為細末糊丸菉豆大每服十九空心溫酒下

治濁固本丸

蓮花鬚

炙甘草

黃蓮

炒各二兩

白茯苓

砂仁

益智仁

半夏

黃柏

炒各一兩

猪苓

二兩五錢

右為末蒸餅丸梧子大每服五十九空心溫酒下

丹九龍丹 治精滑

枸杞子

金櫻子

山茱萸

蓮肉

佛座鬚

熟地黄

芡實

白茯苓

當歸 等分

右為末糊丸梧子大每服五十九丸或酒或鹽湯下

水陸二仙丹

治遺精白濁夢泄脫精

金櫻子

芡實

右以芡實去殼研為細末取金櫻子黃熟者筐盛在水中杵去刺石相內杵去核再杵細絞汁熬膏和芡實末為丸梧子大每服七十九丸空心鹽姜湯下

玉鎖丹 治精氣虛滑遺泄不禁

龍骨

蓮花鬚

芡實

烏梅肉 等分

右為末熟山藥為膏和丸小豆大每服三十九丸空心米飲下

芡實丸 治思慮傷心疲勞傷腎心腎不交精元不固而

少顏色驚悸健忘小便赤澀遺精白濁足脛酸疼耳聾

目暗

芡實

蓮花鬚 各二兩

茯苓

山茱萸肉

龍骨 生用

五味子

枸杞子

熟地黄

酒蒸

韭子

肉蓯蓉

川牛膝

酒浸

紫石英

煨七次 各一兩

右為末酒煮山藥糊丸梧子大每服七十丸空心鹽湯下

固真丹

晚蠶蛾

二兩

肉蓯蓉

白茯苓

益智仁

各一兩

龍骨

五錢

右為末以鹿角膠酒化開和丸梧子大每服三十丸酒下

入鳳髓丹 治心火狂陽太盛此藥補腎水真陰虛損固

真降火益水大効

黃栢

炒二兩

縮砂

一兩

甘草

五錢

半夏

猪苓

白茯苓

紅蓮蕊

益智仁

各二錢五分

右為末酒調山藥糊丸梧子大每服六十九丸鹽湯下

定志珍珠粉丸 治心虛夢泄

人參

白茯苓

黃栢

炒焦色

海蛤粉

各三兩

樗根皮

石菖蒲

青黛

遠志

各二兩

右為末糊丸梧子大青黛為衣每服五十九丸空心姜鹽

湯下

金鎖匙丹

治男婦精滑遺泄不禁夢與鬼交

白茯苓

茯神

各二兩

遠志

龍骨

煨各三兩

左股牡礪

煨四兩

右為末酒糊丸梧子大每服四十九空心鹽湯或酒下

固真散 治纔睡便夢泄此藥大能澁精固真氣煖下元

白龍骨

一兩

韭子

一合

右為末每服二錢空心酒調服

桑螵蛸散

治虛勞夢泄

桑螵蛸

一兩微炒

韭子

二兩微炒

右為末每服二錢空心溫酒調下

五味膏

治夢遺極効

北五味子

一斤

右先以水洗淨另用水浸一宿去核又將溫水洗取核

上餘味併入前水在砂鍋內熬至味盡以布瀘淨入白

蜜三斤慢火熬至成膏磁瓶收貯浸水中三日每早白

湯化服二匙

百補交精丸 葛玄真人方夢泄精滑不禁

五味子

六兩

熟地黄

四兩酒浸一宿焙乾

乾山藥

杜仲

製

肉蓯蓉

酒洗焙

茯神

遠志

各二兩

牛膝

酒浸一宿焙

澤瀉

山茱萸肉

巴戟

去心

石膏

煨

栢子仁 微炒另研 赤石脂 各一兩

右為細末蜜丸梧子大每服二十九空心酒下男女俱可服

栢子養心丸 治心勞太過神不守舍合眼則夢遺滑洩

無常

栢子仁 鮮白者 搥去油 茯神 酸棗仁

當歸身 生地黄 各二兩 五味子

甘草 辰砂 細研 犀角 鎊各五錢

右為末蜜丸芡實大金箔為衣午後臨臥時嚼下一丸

栢子仁丸 治虛勞夢泄

栢子仁 枸杞子 炒各一兩 地膚子 一兩五錢

新韭子 三兩十月霜後收者極妙酒浸晒乾微炒

右為細末煮棗肉和搗百餘杵丸梧子大每服三十九空心及晚食食前粥飲下

固氣丸 治精滑自下

天雄 兔絲子 五味子

龍骨 各一兩五錢 桑螵蛸 山茱萸肉

乾姜 巴戟 各一兩 韭子 二兩

右為末蜜丸梧子大空心酒下三十九

秘真丹 治腎虛遺精夢泄白濁等証

龍骨

牡蠣

山茱萸肉

赤石脂

鹿角膠炒成珠 各五錢

遠志

巴戟肉

覆盆子

枸杞子

黃栢

鹽酒炒黑色

乾山藥

各七錢五分

兔絲子

杜仲

姜汁炒去絲

乾姜

炒黑

破故紙

芡實

韭子

栢子仁

金櫻子

取黃者去刺與核爭用肉焙燥二兩

右為細末蜜丸梧子大每服一百丸空心姜鹽湯任下

丹溪珍珠粉丸

治精滑白濁

黃栢

真蛤粉

樗根白皮

各一斤

珍珠

二兩

右為末滴水丸梧子大每服一百丸空心溫酒下

巴戟丸

治肝腎俱虛精滑不固此藥能收斂精氣補元

陽悅肌膚進飲食

川巴戟

五味子

肉蓯蓉

酒洗

兔絲子

人參

白朮

熟地黄

骨碎補

小茴香

牡蠣

白龍骨

覆盆子

益智仁

等分

右為末蜜丸梧子大每服三十九丸一日三服俱在食前

米飲下虛甚者煎八物湯吞之

補真玉靈丸 治陽虛陰盛精脫淫瀦脛酸

白茯苓

白龍骨 水飛

韭子 酒浸炒

兔絲子 酒浸各等分

右為末蜜丸梧子大每服五十丸不拘鹽湯溫酒空心食前服隨用食饌壓之修合用火日

八仙丹 治血損補精水壯筋骨益心智安魂魄令人悅

澤駐顏輕身延年益壽閉固天癸

伏火朱砂

真磁石

赤石脂

代赭石

石中黃

禹餘糧

乳香

沒藥 各等分

右為極細末糯米濃飲丸豆大空心鹽湯服一丸有人年幾七旬夢遺羸弱已成虛損服此頓爾強健精氣閉固飲食如舊此極驗之方也

仲景牡礪桂枝湯 治男子失精女人夢交小腹弦急陰頭

寒冷目眩髮落脉極虛而乳遲者

桂枝

白芍藥

生姜

龍骨 煨

牡礪 煨各三兩

甘草 二兩

大棗 十二枚

右用水七升煮三升分作三次溫服

固本鎖精丹 治元陽虛憊精氣不固夢寐遺精夜多盜汗遺泄不禁者並治之此藥補元氣滋精固陽神効

黃耆 人參 石蓮肉

海蛤粉 各二兩 五錢 黃栢 酒拌晒乾 妙赤色 鎖陽

五味子 乾山藥 枸杞子 各二兩

右為末另用白朮六兩水五碗煎至二碗濾杵再用水四碗亦煎二碗去杵將二汁併熬至一碗和藥末為丸梧子大每服五十九漸加至六七十丸空心溫酒或淡鹽湯下

白龍丸 治虛勞腎損夢中遺精白淫滑泄盜汗等證

鹿角霜 牡蠣 煨各二兩 龍骨 生用一兩

右為細末酒糊丸梧子大每服三五十九空心鹽湯或酒下此不惟治遺精之疾固精壯陽尤為神効

一方治夢洩精滑用九肋鱉甲五分童便清酒各半鍾入葱白七分和杵日二服此丹溪方也

一方治失精纔睡即遺者用龍骨一兩韭子五合共為末空心酒調服方寸七甚効

一方治夢遺韭子微炒為散食前酒下二錢

一方治虛勞尿中有精取霜後韭子二升好酒八合浸一

宿次日在日色中令童子向南搗萬杵平旦溫酒服方

寸七不過再服立瘥

一方治夢遺先用八珍湯吞秘真丸及珍珠粉丸俱不効改用五倍子一兩白茯苓二兩為丸服之即愈五倍子潛脫之功敏於龍骨蛤粉也

新增

加減滋陰降火湯 治男子思想太過而夢泄精滑無度

而尺服俱滑數

川芎

生地黄

各六分

知母

炒五分

黃柏

炒五分

金櫻子

炒八分

山茱實

去壳六分

黃連

炒四分

山梔子

當歸

白芍藥

炒

蓮鬚

各五分

遠志

酸棗仁

炒五分

白朮

八分

茯苓

七分

牡礪

火煨細五分

甘草

三分

右

汗證第九十二

附無汗

內經曰飲食飽甚汗出於胃驚而奔精汗出於心持重遠行汗出於腎疾走恐懼汗出於肝搖體勞苦汗出於脾此蓋形勞而陽氣發越於外人之常態也至於形無所勞汗常濺濺而出有所動作為尤甚者謂之曰自汗內經曰心

汗自

之液為汗丹溪曰自汗屬氣虛屬濕與痰東垣曰真氣已虧胃中火盛汗出不休夫汗者元陽真液陽氣虛則不能衛護肌表故暗有汗出所謂陽虛陰必乘也治宜補中益氣湯少加附子麻黃根浮小麥其効捷如影響但升麻柴胡須用蜜水拌炒以去其慄悍之性乃可因賴其引參耆

等藥至肌表故又不可缺也若至於發厥則宜著附湯間有氣血俱虛者宜黃耆建中湯多汗而身軟者濕也心脾主之蓋心主熱脾主濕濕熱相搏蒸而爲汗故內經言心東垣言脾胃也宜調胃湯玉屏風散胃濕作汗者乃因痰鬱致火氣上蒸所致宜涼膈散胃熱者二甘湯有痰者必頭眩嘔逆宜撫芎湯鍼經云腠理發泄汗出溱溱是謂津脫津脫者腠理開汗大泄也宜東垣正氣湯若汗出髮潤汗出如油汗凝如珠皆爲汗家所忌其他證之自汗者宜從各證方法治之若夫睡而有汗醒而汗止者謂之盜汗丹溪曰盜汗者屬血虛陰虛蓋睡則衛氣行於裏因表虛

盜汗

而汗出醒則衛氣散於表而汗止其因皆由心火炎盛肺失衛護或相火迫腎水上行入於心所致所謂陰虛陽必湊也治宜當歸六黃湯陰虛火動者四物湯加知柏兼氣虛者加參耆白朮腎火動甚者正氣湯脾濕者四製白朮散肝熱者用防風龍膽草等分爲末米飲調服心虛者用人參當歸各二錢五分先用猪心血煮湯澄清以汁調服思慮過度心坎獨有汗出者用艾湯調茯苓末一錢或新桑葉帶露採收陰乾火焙爲末米飲調服或芷砂散通用黃耆六一湯加浮小麥牡礪麻黃根外用五倍子白礬爲末津液調封臍中一宿卽止身熱懈惰汗出如浴惡風少

心坎汗

酒風頭汗

六陽
虛汗
脾虛
汗

氣病名酒風又名漏風宜白朮散至於三焦之火涸其腎水溝渠之餘迫而上入於心之分故發為頭汗額上偏多者屬心之部分而為血證也飲酒飲食頭汗出者亦血證也若上至頭下至額汗出者謂之六陽虛汗用參附湯亦有得生者若泄瀉身冷瀉時無汗瀉畢有汗謂之脾虛汗此為大虛之候急宜用參苓白朮散附子理中湯之類以救之大抵自汗陽虛在於實表其病由於氣燥內濕故玉屏風散為獨効盜汗陰虛在於補陰其病由於血去火熾故當歸六黃湯為聖藥因此意以消息之無有不愈者也著附湯 治氣虛陽弱虛汗不止肢體倦怠

黃耆

附子

炮去皮臍等分

右每服四錢水煎臨臥服

調衛湯 濕勝自汗衛氣虛弱不任風寒証

黃耆

麻黃根

各一錢

生甘草

當歸稍

生黃芩

半夏

各五分

生地黄

麥門冬

各三分

羌活

猪苓

各二分

蘇木

紅花

各一分

五味子

七粒

右姜水煎稍熱服

玉屏風散 治自汗

防風

黃耆 各一錢

白朮 二錢

右水煎服

二甘湯 治胃熱食後復助其火汗出如雨

生甘草

炙甘草

五味子

烏梅 等分

右姜棗水煎加黃連升麻乃東垣安胃湯

撫芎湯 治自汗頭眩痰逆惡心

撫芎

白朮 去油 畧炒

橘紅 各一錢二分

炙甘草 六分

右姜水煎

正氣湯 治盜汗

黃栢

知母 各一錢五分 甘草 炙五分

右水煎服

當歸六黃湯 治盜汗之聖藥也

當歸

黃耆 各一錢

生地黄

熟地黄

黃栢

黃芩

黃連 各七分

右水煎小兒減半

四製白朮散 治脾濕盜汗

白朮

四兩分并黃耆石斛麩皮牡蠣各同炒至微黃色去四味不用止留白朮

右研細每服三錢粟米湯調下服盡而愈

芷砂散 治驚恐自汗倦怠困弱服黃耆牡蠣不止者効

白朮 一兩 朱砂 五錢

右為末每服一錢荻神麥門冬煎湯調服

白朮散 治飲酒中風多汗食即汗出如油久而不治必

成消渴

白朮 一兩二錢五分 防風 二兩五錢 牡蠣 三錢炒

右為細末每服一錢溫水調下如惡風倍防風白朮面

腫倍牡蠣

參附湯 治陽虛氣弱氣短氣喘自汗盜汗頭眩等證

人參 五錢 附子 三錢

右姜水煎

補中益氣湯 方見脾胃條 涼膈散 方見溫病條 黃耆六一湯

參苓白朮散 方俱見三消條 四物湯 方見中風條

黃耆建中湯 方見內傷條 附子理中湯 方見中寒條

麥煎散 治諸虛不足及新病暴虛津液虧欠自汗夜臥

尤甚而不止體瘦心慌驚惕短氣疲倦

牡蠣 黃耆 麻黃根 各一錢

右入小麥百粒水煎

黃耆湯 治喜驚驚恐房室虛勞而致陰陽偏虛發厥自

自汗 雜方

首登是綱 卷之九 汗證 八十三

汗或盜汗不止並宜服之

黃耆

五味子

小麥炒

防風

當歸酒蒸

甘草炙各六分

白茯苓

熟地黄酒蒸各八分

桂枝一分

天門冬去心

麻黃根各六分

右姜水煎發厥加熟附發熱加石斛

參耆湯 治虛人盜汗

人參

炙甘草

白扁豆

乾葛

白茯苓

陳皮

白朮

黃耆

乾山藥

盜汗 雜方

半夏麴等分

右每服一兩水煎服

栝子仁丸 戢陽氣止盜汗進飲食退經絡熱

栝子仁

半夏麴各二兩

牡礪火煨醋淬七次

人參

麻黃根慢火炙去汗

淨麴炒五錢

五味子各一兩

右為末棗肉丸梧子大每服四五十九米飲下日用二

服得効減半既効即止

麥麴湯 治心氣盜汗

麥麴

炒黃色一錢

防風

白朮炒

牡礪煨

黃耆蜜炙名一錢五分

右水棗煎調辰砂妙香散服神効妙香散方見夢遺條加辰砂

白茯苓湯 治體虛盜汗

黃耆炙

防風

白茯苓

白朮 各一錢

麻黃根

甘草

牡礪煨各五分

小麥五粒

右水煎服

石斛散 治陰虛盜汗

柴胡

防風

五味子

小草

遠志

黃耆炙

官桂

石斛

白朮炒

炙甘草

白茯苓等分

右咬咀每服七錢水煎食前服

生地黄煎 治陰火盜汗

生地黄煎

當歸

黃耆炙

黃連

黃芩

甘草炙

麻黃根

黃栢

浮小麥各一錢

右水煎服

木苓湯 治脾虛盜汗

白朮三錢

白茯苓二錢

右姜棗煎至夜調妙香散服

椒目散 治盜汗日久不止

椒目

麻黃根

等分

右為細末每服一錢食後酒調下

白朮散

治盜汗極驗

白朮

半斤切成小塊用浮麥一升水一斗煮乾如白朮尚硬又加水煮爛取起切片焙乾去麥

右為末每服三錢別用浮麥煎湯食遠調服

盜汗歌

睡中有汗醒時知熟煮猪筒骨最宜濃汁熱調平胃散

清晨一服夜應稀

一方治盜汗用乾山藥一味為末臨臥酒調服三錢

一方治盜汗用椒目微炒搗細末每服五分以猪上唇生

取煎湯臨睡調服

參歸湯

治心汗

人參

當歸

酒浸

右為末取猪心切片煮汁澄清煎藥服

柴胡桂姜湯

治頭汗出腸滿小便不利往來寒熱心煩

而嘔

柴胡

桂枝

黃芩

天花粉

各一錢

乾姜

炮

甘草

頭汗
雜方

心汗
雜方

牡礪 各五分

右水煎服

餐汗

安胃湯 治飲食汗出

黃連

五味子

烏梅肉

甘草 半生半炙 各一錢

升麻 稍三分

右水煎服

撲粉法

牡礪粉

麻黃根

天花粉

白芷

糯米粉

敗蒲扇灰

右為細末用綿包撲身上

心汗

清脾散 治手足心汗

白朮 炒

蒼朮

白茯苓

半夏

黃連 各一錢

滑石

柴胡

升麻

甘草

羌活 各五分

右加燈心水煎

脚汗

牡礪散 治脚汗除穢氣

牡礪 煨

白礬 枯

蜜佗僧

黃丹 等分

右為細末用少許摻指縫中

一方治脚汗用白礬一兩水二升煎水洗脚汗止

一方治脚汗用白礬乾葛等分每用二兩水三升煎湯乘

熱洗脚一日二次三五日後自然無汗

一方治脚汗用柳花煎水洗脚及鋪鞋底汗即止

○附無汗

靈樞經曰奪血者無汗奪汗者無血東垣曰胃中真氣已竭陰火已衰無汗反燥乃陰中之陽陽中之陽俱衰四時無汗其形不久蓋燥者秋令之氣也濕衰燥旺得秋之令秋主燥是生氣竭矣生氣者乃胃中之穀氣少陽生化之氣也其氣竭故曰形不久

二朮疏血湯 治受濕傷血多年無汗遇勞則身熱倦怠脉濇而短重取而弱者

蒼朮

白朮

白芍藥

甘草

紅花

陳皮

歸身

二兩

右分六貼每貼加姜三片水煎

蘇葉丸 治形實夏月無汗久而成嗽

蘇葉

半夏

蛤粉

神麩

瓜萎穰

桃仁泥

右為末水丸梧子大先服三拘湯三貼而後服此

新增

加味柴胡黑參湯

治邪在半表半裏自汗如流

麻黃根 一錢

桂枝 一分

桔梗 一錢

枳殼 三分

括萎仁 七分

柴胡 一錢

貝母 去心 一錢

玄參 八分

黃連

黃芩

山梔 各一錢

白芍藥 炒一錢五分

牡礪 火煨另研細末 一錢

右水煎服

加味當歸六黃湯

治自汗如水

當歸

生地黄

熟地黄 各八分

黃柏 炒六分

黃耆 一錢五分

黃連 一錢

黃芩 一錢

防風 六分

柴胡 七分

桂枝 一分

白芍藥 炒一錢

右水煎服

詩經提綱

卷之九

汗詁

八十九



